

Къая къыйынды, жашау кибик,
Тик къая, булутлагъа кирген,
Чынгыл теренди, кѳг' а – бийик.
Къарайма жалан ёрге, ёрге.

Къонгур къая, жашауча, тикди,
Булутладан къарайды жерге.
Жолум къылыч аузу кибикди.
Барыргъа уа керекди ёрге!

Кѳзлерими толтурадыла
Къар бла мылы туман бирге,
Желле, сызгъыра, урадыла,
Къарайма жалан ёрге, ёрге.

Адам тюзде да къаячыды,
Туманда да жулдузну кѳрген.
Жыгъылады, эншге учады,
Къобуп, барады ёрге, ёрге.

Туман жатады къаялагъа.
О, жарыт, анамы жүреги,
Жолуму, мен барырча алгъа,
Къалмазча мында бегип, бегип!

Къая бийикди, жашау кибик,
Тик къая, булутлагъа кирген.
Чынгыл да – терен, жолум да – тик.
Ёрге, жүрегим, ёрге, ёрге!

1966

